

Na osnovu člana 11. Zakona o privatizaciji preduzeća "Službene novine Federacije BiH", br. 27/97, 8/99, 32/00, 45/00, 54/00, 61/01, 27/02, 33/02, 28/04, 44/04 i 42/06), člana 12. Zakona o Agenciji za privatizaciju ("Službene novine Federacije BiH", br. 18/96 i 2/02) i važećim Pravilima Sarajevske berze-burze vrijednosnih papira, Upravni odbor Agencije za privatizaciju u Federaciji BiH, na sjednici održanoj 24. novembra 2008. godine, donio je

**PRAVILNIK  
O IZMJENAMA I DOPUNAMA PRAVILNIKA O  
POSTUPKU PRODAJE DRŽAVNOG KAPITALA NA  
BERZI**

Član 1.

U Pravilniku o postupku prodaje državnog kapitala na berzi "Službene novine Federacije BiH", broj 34/08 – Prečišćeni tekst), član 2. mijenja se i glasi:

"Prodaja dionica na berzi je metod privatizacije državnog kapitala putem redovnog trgovanja i aukcija u skladu sa važećim propisima berze i odredbama Zakona o privatizaciji preduzeća "Službene novine Federacije BiH", br. 27/97, 8/99, 32/00, 45/00, 54/00, 61/01, 27/02, 33/02, 28/04, 44/04 i 42/06, u daljnjem tekstu: dionica društva), na berzi."

Član 2.

Član 8., se mijenja i glasi:

"Početnu prodajnu cijenu jedne dionice za društva sa čijim se dionicama trgovalo na berzi, utvrđuje nadležna agencija na osnovu zvaničnih podataka berze, najmanje u visini ponderisane početne cijene dionica za posljednjih 10 dana kada se trgovalo dionicama emitenta čije su dionice predmet prodaje.

Počet na prodajna cijena jedne dionice, za društva sa čijim se dionicama nije trgovalo na berzi, utvrđuje se u visini nominalne vrijednosti dionica društva.

U ponovljenom postupku prodaje dionica društva na berzi prodavac može utvrditi novu početnu prodajnu cijenu."

Član 3.

Ovaj Pravilnik stupa na snagu narednog dana od dana objavljivanja u "Službenim novinama Federacije BiH".